

大般若波羅蜜多經

第四百二十六

四十三

頌六

47233



元祿九年丙子二月日重脩

皇圖永固 帝畿銀呂

佛日增輝 轉崇轉

山城州天安寺法金剛院置

大般若波羅蜜多經卷第四百二十六

三藏法師玄奘奉 詔譯

第二分帝釋品第二十五之二



尔時諸天子復作是念尊者善現於此般若
波羅蜜多雖復種種方便顯說欲令易解然
其義趣轉深轉妙難可測量具壽善現知諸
天子心之所念便告彼言諸天子色乃至識
非深非妙色自性乃至識自性亦非深非妙
眼處乃至意處非深非妙眼處自性乃至意
處自性亦非深非妙色處乃至法處非深非
妙色處自性乃至法處自性亦非深非妙眼
界乃至意界非深非妙眼界自性乃至意界



自性亦非深非妙色界乃至法界非深非妙
色界自性乃至法界自性亦非深非妙眼識
界乃至意識界非深非妙眼識界自性乃至
意識界自性亦非深非妙眼觸乃至意觸非
深非妙眼觸自性乃至意觸自性亦非深非
妙眼觸為緣所生諸受乃至意觸為緣所生
諸受非深非妙眼觸為緣所生諸受自性乃
至意觸為緣所生諸受自性亦非深非妙布
施波羅蜜多乃至般若波羅蜜多非深非妙
布施波羅蜜多自性乃至般若波羅蜜多自
性亦非深非妙內空乃至無性自性空非深
非妙內空自性乃至無性自性空自性亦非

龍

大般若經卷第六

深非妙四念住廣說乃至十八佛不共法非
深非妙四念住自性廣說乃至十八佛不共
法自性亦非深非妙一切三摩地門一切陀
羅尼門非深非妙一切三摩地門自性一切
陀羅尼門自性亦非深非妙乃至一切智道
相智一切相智非深非妙一切智自性道相
智一切相智自性亦非深非妙
時諸天子復作是念尊者善現所說法中不
施設色乃至識不施設眼處乃至意處不施
設色處乃至法處不施設眼界乃至意界不
施設色界乃至法界不施設眼識界乃至意
識界不施設眼觸乃至意觸不施設眼觸為

緣所生諸受乃至意觸為緣所生諸受不施
設有施波羅蜜多乃至般若波羅蜜多不施
設內空乃至無性自性空不施設四念住廣
說乃至十八佛不共法不施設一切三摩地
門一切陀羅尼門不施設一切智道相智一
切相智不施設預流及預流果乃至不施設
龍大般若經四百六
阿羅漢及阿羅漢果不施設獨覺及獨覺菩
提不施設菩薩及菩薩地不施設三藐三佛
陀及三藐三菩提亦不施設文字言說

具壽善現知諸天子心所念法便告之言如
是如是如汝所念色等諸法乃至無上正等
菩提皆離文字咸不可說故於般若波羅蜜

多無說無聽亦無解者是故汝等於諸法中
應隨所說修深固忍諸有欲住欲證預流一
來不還阿羅漢果亦因此忍方能住證諸有
欲住欲證獨覺所得菩提亦因此忍方能住
證諸有欲住欲證無上正等菩提要因此忍
乃能住證如是諸天子諸菩薩摩訶薩從初
發心至得無上正等菩提應住無說無聽無
解甚深般若波羅蜜多常勤修學

第二分信受品第二十六

時諸天子復作是念尊者善現今者欲為何
等有情樂說何法具壽善現知彼所念便告
之言諸天子我今欲為如幻如化如夢有情

樂說如幻化夢之法何以故諸天子如是聽
者於所說中無聞無解無所證故時諸天子
尋復問言能說能聽及所說法皆如幻如化
如夢耶善現答言如是如是如汝所說如幻
有情為如幻者說如幻法如化有情為如化
者說如化法如夢有情為如夢者說如夢法
諸天子我乃至見者如幻如化如夢所見色
乃至識如幻如化如夢所見眼乃至意如幻
如化如夢所見色乃至法如幻如化如夢所
見眼識乃至意識如幻如化如夢所見眼觸
乃至意觸如幻如化如夢所見眼觸所生受
乃至意觸所生受如幻如化如夢所見布施

麗

大般若經四百六

三

波羅蜜多乃至般若波羅蜜多如幻如化如
夢所見內空乃至無性自性空如幻如化如
夢所見四念住廣說乃至十八不共法如
幻如化如夢所見如是乃至預流果乃至阿
羅漢果如幻如化如夢所見獨覺菩提及無
上正等菩提如幻如化如夢所見時諸天子
問善現言今尊者為但說我等色等乃至無
上正等菩提如幻如化如夢所見為亦說涅
槃如幻如化如夢所見善現答言諸天子我
不但說我等色等乃至無上正等菩提如幻
如化如夢所見亦說涅槃如幻如化如夢所
見諸天子設更有法勝涅槃者我亦說為如

幻如化如夢所見何以故諸天子幻化夢事
與一切法乃至涅槃悉皆無二無二處故

尔時舍利子大目連執大藏滿慈子大迦多

衍那大迦葉波等諸大聲聞及無量百千菩

薩摩訶薩問具壽善現言所說般若波羅蜜

多如是甚深如是難見如是難覺如是寂靜

如是微細如是沉密如是殊妙誰能信受時

阿難陀聞彼語已白大聲聞及諸菩薩摩訶

薩言有不退轉諸菩薩摩訶薩於此所說甚

深難見難覺寂靜微細沉密殊妙般若波羅

蜜多能深信受復有無量已見聖諦於諸深

法能盡源底諸阿羅漢所願已滿於此所說

龍
大般若經卷六

四

甚深難見難覺寂靜微細沉密殊妙般若波
羅蜜多亦能信受復有無量菩薩摩訶薩已
於過去多俱恆佛所親近供養發弘誓願殖
衆德本於此所說甚深難見難覺寂靜微細
沉密殊妙般若波羅蜜多亦能信受復有無
量諸善男子善女人等已於過去無數佛所
發弘誓願種諸善根聰慧利根善友所攝於
此所說甚深難見難覺寂靜微細沉密殊妙
般若波羅蜜多亦能信受所以者何如是人
等不以空無相無願無生無滅寂靜遠離分
別色乃至識亦不以色乃至識分別空無相
無願無生無滅寂靜遠離如是不以空無相

無願無生無滅寂靜遠離分別眼乃至意色
乃至法眼識乃至意識眼觸乃至意觸眼觸
為緣所生受乃至意觸為緣所生受布施波
羅蜜多乃至般若波羅蜜多內空乃至無性
自性空四念住廣說乃至十八佛不共法一
切三摩地門一切陀羅尼門預流果乃至阿
羅漢果獨覺菩提一切菩薩摩訶薩行諸佛
無上正等菩提一切智道相智一切相智有
為界無為界亦不以眼乃至無為界分別空
無相無願無生無滅寂靜遠離由此因緣如
是人等於此所說甚深難見難覺寂靜微細
沉密殊妙般若波羅蜜多皆能信受時具壽

麗 大般若經卷百十六

五

善現告諸天子言如是所說甚深難見難覺
寂靜微細沉密殊妙般若波羅蜜多非所尋
思超尋思境其中實無能信受者何以故諸
天子此中無法可顯可示既實無法可顯可
示故信受者實不可得

尔時具壽舍利子問善現言豈不於此所說
般若波羅蜜多甚深教中廣說三乘相應之
法謂聲聞乘獨覺乘無上乘法廣說攝受諸
菩薩摩訶薩從初發心乃至十地諸菩薩道
所謂布施波羅蜜多乃至般若波羅蜜多四
念住廣說乃至十八不共法一切三摩地
門一切陀羅尼門廣說攝受諸菩薩摩訶薩

神通勝事謂菩薩摩訶薩於此般若波羅蜜
多勤修行故隨所生處常受化生不退神通
自在遊戲能善通達無量法門從一佛國至
一佛國供養恭敬尊重讚歎諸佛世尊隨所
願樂種種善根皆能修集速得圓滿於諸佛
所聞持正法乃至無上正等菩提常不忘失
龍大般若經四十六
恒居勝定離散亂心由此為緣得無礙辨無
斷盡辨應辨迅辨無踈謬辨諸所演說豐義
味辨一切世間最勝妙辨善現答言如是如
是誠如所說於此般若波羅蜜多甚深教中
以無所得而為方便廣說三乘相應之法乃
至廣說攝受諸菩薩摩訶薩神通勝事乃至

令得一切世間最勝妙辨以無所得為方便
者此於何法無所得為方便謂於我乃至見
者無所得為方便於色乃至識無所得為方
便於眼乃至意無所得為方便於色乃至法
無所得為方便於眼識乃至意識無所得為
方便於眼觸乃至意觸無所得為方便於眼
觸為緣所生受乃至意觸為緣所生受無所
得為方便於布施波羅蜜多乃至般若波羅
蜜多無所得為方便於內空乃至無性自性
空無所得為方便於四念住廣說乃至十八
佛不共法無所得為方便如是乃至於一切
智道相智一切相智無所得為方便時令利

子問善現言何因緣故於此般若波羅蜜多甚深教中以無所得而為方便廣說三乘相應之法何因緣故於此般若波羅蜜多甚深教中以無所得而為方便乃至廣說攝受諸菩薩摩訶薩神通勝事乃至令得一切世間最勝妙辨善現答言舍利子由內空乃至無性自性空故於此般若波羅蜜多甚深教中以無所得而為方便廣說三乘相應之法舍利子由內空乃至無性自性空故於此般若波羅蜜多甚深教中以無所得而為方便乃至廣說攝受諸菩薩摩訶薩神通勝事乃至令得一切世間最勝妙辨

第二分散華品第二十七之一

今時天帝釋及此三千大千世界四大王衆
天乃至色究竟天咸作是念今尊者善現承
佛威力為一切有情雨大法雨我等今者各
宜化作天妙音華奉散供養釋迦如來及諸
菩薩摩訶薩衆并苾芻僧尊者善現亦散供
養甚深般若波羅蜜多豈不為善時天帝釋
及諸天衆作是念已便各化作天妙音華持
以奉散釋迦如來及諸菩薩摩訶薩衆并苾
芻僧具壽善現甚深般若波羅蜜多而為供
養是時於此三千大千佛之世界華悉充滿
以佛神力於虛空中合成華臺莊嚴殊妙量

等三十大千世界。尔時善現觀斯事已，作是
念言：今所散華於諸天處，曾未見有是華。微
妙定非草樹水陸所生，應是諸天為供養故。
從心化出時，天帝釋既知善現心之所念，謂
善現言：此所散華實非草樹水陸所生，亦不
從心實能化出。但是變現。尔時善現語天帝釋
龍大般若經卷第廿九
言：憍尸迦，汝言此等實非草樹水陸所生，亦
不從心實能化出。既非生法，則不名華。時天
帝釋問善現言：大德，為但是華不生，為餘法
亦尔。善現答言：非但是華不生，餘法亦無生
義。何謂色憍尸迦？色亦不生。此既不生，則非
色。受想行識亦不生。此既不生，則非受想行

識眼乃至意色乃至法眼識乃至意識眼觸
乃至意觸眼觸為緣所生受乃至意觸為緣
所生受亦如是憍尸迦布施波羅蜜多亦不
生此既不生則非布施波羅蜜多淨戒安忍
精進靜慮般若波羅蜜多亦不生此既不生
則非淨戒安忍精進靜慮般若波羅蜜多內
空乃至無性自性空四念住廣說乃至十八
佛不共法如是乃至一切智道相智一切相
智皆亦如是時天帝釋竊作是念尊者善現
智慧甚深不違假名而說法性佛知其念便
告彼言如憍尸迦心之所念具壽善現智慧
甚深不違假名而說法性時天帝釋即白佛

言尊者善現於何等法不違假名而說法性
佛言憍尸迦色但是假名具壽善現不違色
假名而說色法性受想行識但是假名具壽
善現不違受想行識假名而說受想行識法
性所以者何色等法性無違順故善現所說
亦無違順於眼乃至意色乃至法眼識乃至
麗意識眼觸乃至意觸眼觸為緣所生受乃至
九意觸為緣所生受亦如是憍尸迦布施波羅
蜜多但是假名具壽善現不違布施波羅蜜
多假名而說布施波羅蜜多法性淨戒安忍
精進靜慮般若波羅蜜多但是假名具壽善
現不違淨戒安忍精進靜慮般若波羅蜜多

假名而說淨戒安忍精進靜慮般若波羅蜜
多法性所以者何布施波羅蜜多等法性無
違順故善現所說亦無違順於內空乃至無
性自性空四念住廣說乃至十八佛不共法
如是乃至預流果乃至阿羅漢獨覺菩提
乃至無上正等菩提一切智道相智一切相
智預流乃至阿羅漢獨覺菩薩如來皆亦如
是憍尸迦具壽善現於如是法不違假名而
說法性

爾時具壽善現語天帝釋言憍尸迦如是如
是如汝所說諸所有法無非假名憍尸迦諸
菩薩摩訶薩知一切法但假名已應學般若

波羅蜜多憍尸迦諸菩薩摩訶薩如是學時
不於色學不於受想行識學何以故憍尸迦
是菩薩摩訶薩不見色可於中學不見受想
行識可於中學故於眼乃至意色乃至法眼
識乃至意識眼觸乃至意觸眼觸為緣所生
受乃至意觸為緣所生受亦如是憍尸迦諸
龍大般若經卷第六
菩薩摩訶薩如是學時不於布施波羅蜜多
學不於淨戒安忍精進靜慮般若波羅蜜多
學何以故憍尸迦是菩薩摩訶薩不見布施
波羅蜜多可於中學不見淨戒安忍精進靜
慮般若波羅蜜多可於中學故於內空乃至
無性自性空四念住廣說乃至十八不共

法如是乃至頽流果乃至阿羅漢果獨覺菩提
提乃至無上正等菩提一切智道相智一切
相智皆亦如是時天帝釋問善現言諸菩薩
摩訶薩何因緣故不見色乃至不見一切相
智善現答言憍尸迦色色空乃至一切相智
一切相智空憍尸迦諸菩薩摩訶薩由此因
緣不見色乃至一切相智憍尸迦諸菩薩摩
訶薩不見色故不於色學乃至不見一切相
智故不於一切相智學何以故憍尸迦不可
色空見色空乃至不可一切相智空見一切
相智空亦不可色空於色空學乃至亦不可
一切相智空於一切相智空學故憍尸迦若

菩薩摩訶薩不於空學是菩薩摩訶薩為於
空學何以故以無二故憍尸迦諸菩薩摩訶
薩不於色空學為於色空學以無二故乃至
不於一切相智空學為於一切相智空學以
無二故憍尸迦若菩薩摩訶薩以無二為方
便於色空學乃至以無二為方便於一切相
鹿大般若經卷第六
智空學是菩薩摩訶薩能以無二為方便學
布施波羅蜜多乃至般若波羅蜜多能以無
二為方便學內空乃至無性自性空能以無
二為方便學四念住廣說乃至十八不共
法如是乃至能以無二為方便學預流果乃
至阿羅漢果能以無二為方便學獨覺菩提

乃至無上正等菩提能以無二為方便學一切
智道相智一切相智憍尸迦若菩薩摩訶
薩能以無二為方便學布施波羅蜜多乃至
一切相智是菩薩摩訶薩能以無二為方便
學無量無數無邊不可思議清淨佛法憍尸
迦若菩薩摩訶薩能學無量無數無邊不可
思議清淨佛法是菩薩摩訶薩不為色增故
學亦不為色減故學乃至不為一切相智增
故學亦不為一切相智減故學憍尸迦若菩
薩摩訶薩不為色增故學亦不為色減故學
乃至不為一切相智增故學亦不為一切相
智減故學是菩薩摩訶薩不為攝受色故學

亦不為壞滅色故學乃至不為攝受一切相
智故學亦不為壞滅一切相智故學今時具
壽舍利子問善現言諸菩薩摩訶薩如是學
時不為攝受色故學亦不為壞滅色故學乃
至不為攝受一切相智故學亦不為壞滅一
切相智故學耶善現對曰如是如是舍利子
諸菩薩摩訶薩如是學時不為攝受色故學
亦不為壞滅色故學乃至不為攝受一切相
智故學亦不為壞滅一切相智故學時舍利
子問善現言何因緣故諸菩薩摩訶薩不為
攝受色故學亦不為壞滅色故學乃至不為
攝受一切相智故學亦不為壞滅一切相智

麗大般若經卷第六

十二

故学善现對曰諸菩薩摩訶薩不見有色是
可攝受及可壞滅亦不見有能攝受色及壞
滅者乃至不見有一切相智是可攝受及可
壞滅亦不見有能攝受一切相智及壞滅者
何以故舍利子以色等法若能若所内外空
故舍利子若菩薩摩訶薩於一切法不見是
可攝受及可壞滅亦不見有能攝受及壞滅
者而学般若波羅蜜多是菩薩摩訶薩能成
辦一切智智時舍利子問善現言諸菩薩摩
訶薩如是学般若波羅蜜多能成辦一切智
智耶善現對曰舍利子諸菩薩摩訶薩如是
学般若波羅蜜多能成辦一切智智於一切

法不為攝受不為壞滅為方便故舍利子言
若菩薩摩訶薩於一切法不為攝受不為壞
滅為方便者云何能成辦一切智智耶善現
對曰舍利子是菩薩摩訶薩修行般若波羅
蜜多時不見色若生若滅若取若捨若染若
淨若增若減乃至不見一切相智若生若滅
若取若捨若染若淨若增若減何以故以色
乃至一切相智皆自性無所有不可得故如
是舍利子諸菩薩摩訶薩修行般若波羅蜜
多時於一切法不見若生若滅若取若捨若
染若淨若增若減以無所學無所成辦為方
便故而學般若波羅蜜多則能成辦一切智

麗

大般若經卷百六

十三

智。

尔時天帝釋問舍利子言大德諸菩薩摩訶
薩所學般若波羅蜜多當於何求舍利子言
憍尸迦諸菩薩摩訶薩所學般若波羅蜜多
當於善現所說中求時天帝釋謂善現言大
德神力為依持故令舍利子作是說耶善現
告言憍尸迦非我神力為依持故令舍利子
作如是說天帝釋言是誰神力為所依持善
現報言是佛神力為所依持天帝釋言大德
諸法皆無依持如何可言是佛神力為所依
持善現告言憍尸迦如是如是如汝所說一
切法無依持是故如來非所依持亦無依持

但為隨順世俗施設。說為依持。憍尸迦。非離
無依持。如來可得。非離無依持。真如。如來可
得。非離無依持。法性。如來可得。非離無依持。
如來。真如。可得。非離無依持。如來。法性。可得。
非離無依持。真如。如來。真如。可得。非離無依
持。法性。如來。法性。可得。憍尸迦。非離無依持。
如來。可得。非如來。中。無依持。可得。非無依持。
真如。中。如來。可得。非如來。中。無依持。真如。可
得。非無依持。法性。中。如來。可得。非如來。中。無
依持。法性。可得。非無依持。中。如來。真如。可得。
非如來。真如。中。無依持。可得。非無依持。中。如
來。法性。可得。非如來。法性。中。無依持。可得。非

麗

大般若經四百六

十四

無依持真如中。如來真如可得非。如來真如
中無依持真如可得非。無依持法性中。如來
法性可得非。如來法性中無依持法性可得
憍尸迦。非離色。如來可得非。離受想行識。如
來可得非。離色。真如。如來可得非。離受想行
識。真如。如來可得非。離色。法性。如來可得非。
離受想行識。法性。如來可得非。離色。如來真
如可得非。離受想行識。如來真如可得非。離
色。如來法性可得非。離受想行識。如來法性
可得非。離色。真如。如來真如可得非。離受想
行識。真如。如來真如可得非。離色。法性。如來
法性可得非。離受想行識。法性。如來法性可

得憍尸迦非色中如來可得非如來中色可
得非受想行識中如來可得非如來中受想
行識可得非色真如中如來可得非如來中
色真如可得非受想行識真如中如來可得
非如來中受想行識真如可得非色法性中
如來可得非如來中色法性可得非受想行
識法性中如來可得非如來中受想行識法
性可得非色中如來真如可得非如來真如
中色可得非受想行識中如來真如可得非
如來真如中受想行識可得非色中如來法
性可得非如來法性中色可得非受想行識
中如來法性可得非如來法性中受想行識

疏

大般若經四百六

十五

可得非色真如中如來真如可得非如來真
如中色真如可得非受想行識真如中如來
真如可得非如來真如中受想行識真如可
得非色法性中如來法性可得非如來法性
中色法性可得非受想行識法性中如來法
性可得非如來法性中受想行識法性可得
憍尸迦乃至非離一切智如來可得非離道
相智一切相智如來可得非離一切智真如
如來可得非離道相智一切相智真如如來
可得非離一切智法性如來可得非離道相
智一切相智法性如來可得非離一切智如
來真如可得非離道相智一切相智如來真

如可得非離一切智如來法性可得非離道
相智一切相智如來法性可得非離一切智
真如如來真如可得非離道相智一切相智
真如如來真如可得非離一切智法性如來
法性可得非離道相智一切相智法性如來
法性可得非離一切智中如來可得非
龍大般若經四百六十一卷
如來中一切智可得非道相智一切相智中
如來可得非如來中道相智一切相智可得
非一切智真如中如來可得非如來中一切
智真如可得非道相智一切相智真如中如
來可得非如來中道相智一切相智真如可
得非一切智法性中如來可得非如來中一

一切智法性可得非道相智一切相智法性中
如來可得非如來中道相智一切相智法性
可得非一切智中如來真如可得非如來真
如中一切智可得非道相智一切相智中如
來真如可得非如來真如中道相智一切相
智可得非一切智中如來法性可得非如來
法性中一切智可得非道相智一切相智中
如來法性可得非如來法性中道相智一切
相智可得非一切智真如中如來真如可得
非如來真如中一切智真如可得非道相智
一切相智真如中如來真如可得非如來真
如中道相智一切相智真如可得非一切智

法性中如來法性可得非如來法性中一切
智法性可得非道相智一切相智法性中如
來法性可得非如來法性中道相智一切相
智法性可得憍尸迦如來於色非相應非不
相應於受想行識亦非相應非不相應如來
於色真如非相應非不相應於受想行識真
如亦非相應非不相應如來於色法性非相
應非不相應於受想行識法性亦非相應非
不相應如來真如於色非相應非不相應於
受想行識亦非相應非不相應如來真如於
色真如非相應非不相應於受想行識真如
亦非相應非不相應如來法性於色非相應

大般若經卷第六

十七

非不相應於受想行識亦非相應非不相應
如來法性於色法性非相應非不相應於受
想行識法性亦非相應非不相應憍尸迦如
來於蘊色非相應非不相應於蘊受想行識
亦非相應非不相應如來於蘊色真如非相
應非不相應於蘊受想行識真如亦非相應
非不相應如來於蘊色法性非相應非不相
應於蘊受想行識法性亦非相應非不相應
如來真如於蘊色非相應非不相應於蘊受
想行識亦非相應非不相應如來真如於蘊
色真如非相應非不相應於蘊受想行識真
如亦非相應非不相應如來法性於蘊色非

相應非不相應於蘊受想行識亦非相應非
 不相應如來法性於蘊色法性非相應非不
 相應於蘊受想行識法性亦非相應非不相
 應憍尸迦如是乃至如來於一切智非相應
 非不相應於道相智一切相智亦非相應非
 不相應如來於一切智真如非相應非不相
 應於道相智一切相智真如亦非相應非不
 相應如來於一切相智法性亦非相應非不相
 應如來真如於一切智非相應非不相應於
 道相智一切相智亦非相應非不相應如來
 真如於一切智真如非相應非不相應於道

大般若經卷第六
 應於道相智一切相智真如亦非相應非不

相智一切相智真如亦非相應非不相應如
來法性於一切智非相應非不相應於道相
智一切相智亦非相應非不相應如來法性
於一切智法性非相應非不相應於道相智
一切相智法性亦非相應非不相應憍尸迦
如來於離一切智非相應非不相應於離道
相智一切相智亦非相應非不相應如來於
離一切智真如非相應非不相應於離道相
智一切相智真如亦非相應非不相應如來
於離一切智法性非相應非不相應於離道
相智一切相智法性亦非相應非不相應如
來真如於離一切智非相應非不相應於離

道相智一切相智亦非相應非不相應如來
真如於蘊一切智真如非相應非不相應於
蘊道相智一切相智真如亦非相應非不相
應如來法性於蘊一切智非相應非不相應
於蘊道相智一切相智亦非相應非不相應
如來法性於蘊一切智法性非相應非不相
應於蘊道相智一切相智法性亦非相應非
不相應憍尸迦舍利子所說是於一切法非
即非蘊非相應非不相應如來神力為所依
持以無依持為依持故

麗

大般若經四百六

十九

大般若波羅蜜多經卷第四百二十六 麗

山城國綴喜郡新村
靈瑞山嗣恩菴沙門宗桂書寫之



